



Bosna i Hercegovina
Federacija Bosne i Hercegovine
Kanton Sarajevo
Sarajevo, Obala Kulina Baša 9
tel: +387 33 445 138
e-mail: ureddirektora@nps.ba
website: www.nps.ba

URED DIREKTORA
Sarajevo, 27.12.2024.godine
Broj: 05-7891/24

U skladu sa članom 3. i članom 4. Pravilnika o napredovanju umjetnika u viši status (broj: 05-1588/12) od 28.03.2012.godine Umjetnički savjet Javne ustanove Narodno pozorište Sarajevo na sjednici održanoj 27.12.2024.godine donosi

**Stručno mišljenje o
Ustanovljenje "Nagrade za
umjetnički i scenski doprinos Narodnog pozorišta Sarajevo "**

Pozorišta su hramovi umjetnosti, važan dio kulturne baštine svakog društva, prostor za izražavanje različitih ideja, emocija i perspektiva. Imaju veliki značaj u oblikovanju društvene svijesti i promoviranju kulturne raznolikosti. Predstave koje se bave aktuelnim temama podstiču dijalog i promjene i osvjetljavaju probleme sa kojima se društvo suočava. Najzad, pozorišta su mjesta kulturnih okupljanja i umjetničkog izražavanja u gradovima širom svijeta i kao takva imaju značajnu ulogu u oblikovanju njihovog kulturnog identiteta. Gradovi su čuveni po svojim pozorištima. Tako je i Sarajevo poznato po najstarijoj i krovnoj teatarskoj instituciji, Narodno pozorište Sarajevo koje jedino u državi okuplja ansamble Drame, Opere i Baleta. Sa svojom bogatom istorijom i izuzetnom umjetničkom produkcijom, naše pozorište je važan segment kulturnog nasljeđa Sarajeva. Istorijski gledano naš repertoar je bio raznovrstan i obuhvatao klasične dramske, operne i baletske predstave, kao i suvremene naslove. Impozantna je biografija ove kuće koja je okupljala, a to čini i danas, talentovane umjetnike – glumce, operne i baletske soliste, reditelje, scenografe, kostimografe, dramaturge i muzičare, koji su zajedno stvarali nezaboravna umjetnička djela. Uz sada stoljetnu tradiciju i kontinuiranu posvećenost umjetničkom stvaralaštvu, Narodno pozorište Sarajevo ostaje stub bosanskohercegovačke pozorišne scene i nezaobilazna destinacija za pozorišnu publiku i umjetnosti uopšte. Iz svega navedenog smatram da je važno istaći najbolje i najzaslužnije koji su svojim umjetničkim opusom i dostignućima istorijski obilježili epohe rada Narodnog pozorišta Sarajevo. "Nagrada za scenski i umjetnički doprinos Narodnog pozorišta Sarajevo" predstavlja vrh karijere, zaokružuje egzistencijalno i suštinski umjetničku biografiju svim autorima i izvođačima koji su kreirali svoje djelo na pozornici našeg pozorišta. Dodjelu nagrade predlaže sa pisanim obrazloženjem Ured direktora pozorišta sa umjetničkim direktorima, a potvrđuje Umjetnički savjet. Obrazloženje o laureatima najvažnije nagrade naše kuće mora biti zasnovano na sljedećim kriterijima:

- umjetnička izvrsnost
- broj odigranih naslova
- umjetnički staž (nagrada se dodjeljuje za minimalno 35 -godišnji predalački i kontinuirani rad)
- kompleksnost i opus uloga i zadataka
- kritička recepcija
- nagrade za godišnja ostvarenja Narodnog pozorišta

Sarajevo

- *nagrade na nacionalnim, regionalnim i internacionalnim festivalima*
- *radna etika institucionalna i vaninstitucionalna*
- *doprinos razvoju i očuvanju institucije Narodnog pozorišta Sarajevo*

Nagrada se može dodijeliti i umjetnicima koji nisu zaposlenici ili umirovljenici Narodnog pozorišta Sarajevo, ali su svojim autorskim ili izvođačkim pečatom ostavili dubok trag u umjetničkoj istoriji Narodnog pozorišta Sarajevo. Nagrada se dodjeljuje isključivo za života umjetnika/ice.

Nagrada se dodjeljuje tradicionalno 27.marta za Svjetski dan pozorišta na posebnoj svečanosti. Prvih pet godina dodjeljivat će se više nagrada, a nakon toga po jedna godišnje.



Dostaviti:

- Ministarstvo kulture i sporta KS
- članovima Savjeta
- Direktor UOJ-e
- EPS
- Web.nps.ba i a/a